



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus

Complectens Aprilem, Majum, Junium

Nepveu, François

Monachii, 1709

Dies 8. De malo S. Communionis usu.

[urn:nbn:de:hbz:466:1-60514](https://nbn-resolving.org/urn:nbn:de:hbz:466:1-60514)



DIES VIII.

De Malo Sacrae Communio-
nis usu.

I.

Nihil magis Deum honorat, nihil utili-
us nobis est, bono S. Communionis
usu. nihil magis honorem divinum immi-
nuit, nihil nobis perniciosius est, ejusdem
abusu. Is, qui legem Principis violat,
culpæ reus est, quia ipsum reapse offen-
dit: qui verò violentas eidem injicit ma-
nus, læsæ Majestatis reus censetur. O-
mnia quidem, & singula peccata Deum of-
fendunt; cùm ejus legem violent: at Sa-
crilegium Deum ipsum invadit, & homi-
nem læsæ divinæ Majestatis reum con-
stituit: quia non modò Deum, sed Deum
Servatorem aggreditur, qui hoc mune-
re in sanctissimo hoc Mysterio fungitur, &
omnes ejusdem partes implet: offendit e-
nim ipsum in hoc Sacramento, quod insi-
gne prorsus est amoris Christi erga homi-
nem testimonium; & idcirco turpissimum
omnium ingrati animi vitium est, dum
homo è maximo beneficio, Deum gravis-
simè offendendi sumit ansam. Denique sa-

crilegium Christum offendit eo ipso tempore, cum is venit hominem omnibus bonis cumulaturus, seque ipsum ei impertiturus. Quid horribilius? Imò Divinus Paulus verba non invenit satis efficacia ad exprimendam hujus vitij enormitatem. Ad Sanctissimam Eucharistiam indignè accedere, est juxta ipsum, *reum fieri Corporis, & sanguinis Iesu Christi, est manducare sibi judicium; est ipsius sanguinem prophanare, & Christum ipsum pedibus calcare.*

II. Si non est noxa, qua Deus magis offendatur, quàm Sacrilega Communio, nulla etiam est, quæ à Deo severiùs puniatur. Si curiositas minùs reverens Bethlamarum in aspicienda Arca, imprudentia Ozæ in ea tangenda tam terribiliter puniri meruere, quàm severè Deus animadvertet in illos, qui tam horrendè offendunt Sanctissimam Christi Humanitatem, quam corporaliter inhabitat divinitas, cujus non nisi imperfecta adumbratio erat Arca? Punit nempe illos duplici pænarum genere; quarum aliæ corporeæ, aliæ spirituales sunt. Gentium Doctor frequentes morbos, & funestos obitus Christianorum tribuit præpostero S. Communionis usui, dum ait: *Ideo inter vos multi infirmi, & imbecilles, & dormiunt multi.* SS. Cyprianus &

I, Cor. 11.
24.

& Chrysostomus calamitates publicas im-
putant hujus Sacramenti prophanationi.
at longè terribiliores sunt pænæ spirituales,
quæ Deus castigat eos, qui Sanctissimā Eu-
charistiam indignè sumunt. Cæcitas animi,
obduratio cordis, contumax usque ad vi-
tæ finem in delictis perseverantia, illius
effectus sunt usitatissimi: id sat, superque
apparer in exemplo Iudæ. Magister ipsius
grandia coram eo patrat miracula; ad ea
tamen cæcutit, non illustratur: quæ cæci-
tas! Christus ipsum benignè excipit, a-
manter osculatur, suum etiam amicum
appellat. Ad hæc ipse confunditur, non
moveretur. Qualis durities! delabitur de-
nique ad desperationem, & reprobationem.
En effectus Sacrilegæ Communionis!

III. Sacrilegium crimen est, quod Deus
difficillimè remittit; cùm obstinatio, quæ
ordinarius ejus est effectus, animum eò de-
ducat, ut ad finem usque in peccatis per-
severet, & veniæ reddatur incapax. S.
Paulus aliam nobis hujus veritatis ratio-
nem suppeditat, cùm ait: *Non jam relinque-*
tur pro peccatis hostia. Iesus Christus, vi-
ctima hæc adoranda, quæ pro nobis quo-
tidie offertur, sola iram Dei mitigare, ejus
sanguis effusus omnia peccata nostra dele-
re potest. Si verò hanc victimam injuria
af-

Hebr. 10.

Junius,

*Idcirco jura
 & domus
 Heli, quod
 non expietur
 iniquitas do-
 mus ejus vi-
 timis, &
 muneribus
 usque in æ-
 ternum. 1.
 Reg. c. 3.*

afficiamus; si ipsum Sacrificium in sacrilegium vertamus, si pretiosum hunc sanguinem pedibus conculcamus, victima ista, sacrificium istud, sanguis iste non modò iram Dei non placabunt, sed vindictam in nos provocabunt. Quid igitur nobis spei est super? si Advocatus noster sit pars nobis adversa, ad quem confugiemus? Deus Heli sacerdoti testatur, omnia ad prophana-
 tiones Sacrificiorum expiandas sufficien-
 tia non fore, quæ in suis filiis toleravit. Credimusne, Deum minùs irritari prophana-
 tione ejus sacrificij, ubi filius ipsius est sacerdos, & victima, & faciliùs placari?

Obsequere consilio S. Pauli, suadentis, ut te ipsum probes priùs, quàm ad S. Synaxin accedas, ne judicium tuum manduces, Christi Corpus indignè sumendo.

Probet autem seipsum homo, & sic de pane illo edat, & de calice bibat. 1. Cor. 11. 28.

Quàm multi de altari accipiunt, & accipiendo moriuntur. Aug.

Finis Trimestris Secundi.

IN-